

მარტვილი

გაზეთი გამოდის 1995 წლის მარტიდან №2, 26 თებერვალი, 2025 წელი

პრემიერ-მინისტრის განცხადებათა მთავრობის სლოგანი

მთავრობის მეთაურმა ქვეყანაში დიდ-
თოვლობაზე ისაუბრა და აღნიშნა, რომ
საჭიროა ყველა უწყების მობილიზება
სტიქიასთან საბრძოლველად.

„დიდთოვლობა არის რამდენიმე რე-
გიონში. საჭიროა ყველა უწყების სრული
მობილიზება, რათა ვებრძოლოთ სტიქიის
შედეგებს და ვიზრუნოთ მოსახლეობის
ინტერესების მაქსიმალურად დაცვაზე.
დღესაც არის მაქსიმალური მობილიზება
და მომდევნო დღეების განმავლობაშიც
ყველა ზომა იქნება მიღებული იმისათვის,
რომ მაქსიმალურად ვიზრუნოთ მოსახ-
ლეობაზე დიდთოვლობიდან გამომდინა-
რე», – განაცხადა პრემიერმა.

პრემიერ-მინისტრმა ქვეყანაში დასაქ-
მების მაჩვენებელზეც ისაუბრა. როგორც
მან აღნიშნა, მთლიანობაში დასაქმებულ-
თა რაოდენობამ მიაღწია 1 412 500-ს, რაც
არის რეკორდული მაჩვენებელი დამოუ-
კიდებელი საქართველოს ისტორიაში.

„რაც შეეხება ეკონომიკას, დასაქმების
კუთხით გვაქვს ძალიან კარგი მაჩვენებ-
ლები. საქსტატმა შეაჯამა გასული წლის
მე-4 კვარტლის მონაცემები და წინა წლის
ანალოგიურ მონაცემებთან შედარებით,
დაქირავებულთა რიცხოვნობა გაიზარ-
და 20 100 ადამიანით, მიაღწია 978 500-ს
ამ მაჩვენებელმა. რაც შეეხება თვითდა-
საქმებულთა რიცხოვნობას, გაიზარდა
19 700 ადამიანით და მიაღწია 433 500-ს.

ამავე პერიოდში უმუშევართა რაოდენო-
ბა შემცირდა 14 700-ით. მთლიანობაში,
გასული 3 წლის განმავლობაში, დასაქ-
მების თვალსაზრისით გვექონდა ძალიან
კარგი ზრდა. დასაქმებულთა რაოდენო-
ბამ მიაღწია 1 412 500-ს, რაც არის რე-
კორდული მაჩვენებელი დამოუკიდებელი
საქართველოს ისტორიაში და მხოლოდ
ბოლო 3 წლის განმავლობაში დასაქმების
მაჩვენებელი გაიზარდა 195 000-ით. შესა-
ბამისად, ჩვენი ამბიციური მიზანი, რომ
მომდევნო 4 წლის განმავლობაში 200 000
ახალი სამუშაო ადგილი შევქმნათ, არის
აბსოლუტურად რეალისტური და მთავ-
რობის საქმიანობის ერთ-ერთი უმთავ-
რესი პრიორიტეტი იქნება სწორედ ახა-
ლი სამუშაო ადგილების შექმნა.

საგარეო ვაჭრობის მიმართულებით
გვაქვს ძალიან კარგი მაჩვენებელი – 2025
წლის იანვრის მონაცემები გამოაქვეყნა
საქსტატმა და საგარეო ვაჭრობა გაზ-
რდილია 39.3 %-ით, რაც არის ძალიან
მნიშვნელოვანი ზრდა ჩვენი ქვეყნისთვის.
რაც შეეხება ეკონომიკურ ზრდას, ჯერ-
ჯერობით არ არის დაზუსტებული სახით
გამოქვეყნებული მონაცემები,
თუმცა წინასწარი შეფასებით, შეიძლება
ითქვას, რომ ეკონომიკური ზრდა იქნება
ორნიშნასთან საკმაოდ ახლოს», – განა-
ცხადა პრემიერ-მინისტრმა.

მთავრობის მეთაურის შეფასებით, ქვე-

ყანას ყველა მიმართულებით აქვს კარგი
მონაცემები როგორც დასაქმების, ასევე
საგარეო ურთიერთობების და ეკონომი-
კური ზრდის ნაწილში.

გარკვეულ სუბიექტებს ჩვენს ქვეყანა-
ში და ქვეყნის გარეთ ჰქონდათ ეკონომი-
კური კრიზისის ხელოვნურად შექმნის,
გამონწვევის გეგმა, თუმცა ეს გეგმა რეა-
ლურად ჩავარდა. ყველა მიმართულებით
გვაქვს ძალიან კარგი მონაცემები რო-
გორც დასაქმების, ასევე საგარეო ურ-
თიერთობებისა და ეკონომიკური ზრდის
ნაწილში. ქვეყანა განაგრძობს შეუფერ-
ხებლად განვითარებას. ჩვენი ამოცანაა,
დაახლოებით ზრდის იმავე მაჩვენებელ-
ზე გავიდეთ, რაც გვექონდა 2024 წელს.
პარმან ზრდამ შეადგინა 9.5% და სავ-
სებით რეალურია ასეთი მაჩვენებლის
გამეორება მიმდინარე წელსაც. ჩვენი
პოლიტიკური ოპონენტები ცდილობენ
საპირისპირო მიმართულებით ქვეყნის
განვითარების წარმართვას, თუმცა მათ
გეგმებს, რა თქმა უნდა, განხორციელება
არ უნერია, მით უმეტეს იმის გათვალის-
წინებით, რომ ოპოზიციის სადიკალური
ნაწილი არის, როგორც რომ ალენიშნით,
თავიდან ბოლომდე რთულ მდგომარეო-
ბაში. პირველად, გასული 20 წლის გან-
მავლობაში, კოლექტიური ნაცმიძრაობა
არ არის წარმოდგენილი საქართველოს
პარლამენტში, რაც არის ძალიან მნიშ-



ვნელოვანი იმისთვის, რომ შეუფერხებ-
ლად განვითარდეს ჩვენი ქვეყნის დე-
მოკრატიული სისტემა. ჩვენ ეს დაპირე-
ბა მივეციტ ქართულ საზოგადოებას, ეს
დაპირება დიდწილად შესრულდა და, რა
თქმა უნდა, განვგრძობთ ამ დაპირების
შესრულებას. რადიკალიზმის გარეშე
ჩვენი დემოკრატიული სისტემა ბევრად
უფრო სწრაფად განვითარდება და ბევ-
რად ნაკლები შეფერხება ექნება ასეთ
პირობებში ჩვენს ეკონომიკურ წინსვლა-
საც და, ზოგადად, განვითარებას ყველა
მიმართულებით», – განაცხადა პრემიერ-
მინისტრმა.

მარტვილი საავტომობილო გზის რეაბილიტაცია მიმდინარეობს

მარტვილის მუნიციპალიტეტში, დი-
დი ქყონის ადმინისტრაციულ ერთეულში,
ლედგებეს საჯარო სკოლიდან თამაკონის
ცენტრალური გზის მიმართულებით საავ-
ტომობილო გზის მოწყობის სამუშაოები
მიმდინარეობს.

მიმდინარე სამუშაოები მარტვილის მუ-
ნიციპალიტეტის მერმა თორნიკე ჯანაშიამ
საკრებულოს თავმჯდომარესთან ლევან
სურმაგასთან ერთად დაათვალიერა.

პროექტის ფარგლებში ცემენტო-ბეტო-
ნის საფარით მოწყობა 1 481 მეტრი საავ-

ტომობილო გზა. ასევე მოეწყობა რკინაბე-
ტონის კიუვეტები, ლითონის მილები ბეტო-
ნის სათავისებით.

პროექტის ღირებულება 255 000 ლარს
შეადგენს. სამშენებლო სამუშაოების შპს
„ჯთ ნიუ როად“ ასრულებს.

საავტომობილო გზის სარეაბილიტაციო
სამუშაოები საქართველოს რეგიონებში
განსახორციელებელი პროექტების ფონდის
და ადგილობრივი მუნიციპალიტეტის და-
ფინანსებით ხორციელდება.



მარტვილის მერმა ორი საავტომობილო ხიდის სამშენებლო სამუშაოები დაათვალიერა

მარტვილის მუნიციპალიტეტში, აბედათის
ადმინისტრაციულ ერთეულში, 2 საავტომო-
ბილო ხიდის სამშენებლო სამუშაოები მიმ-
დინარეობს.

აბედათში ჯოლევის უბანში საავტომობი-
ლო ხიდის მოწყობის, ხოლო მდინარე ტარ-
ჩენზე ლითონკონსტრუქციის საავტომობი-
ლო ხიდის შუა ბურჯის მოწყობის სამუშაო-
ები აქტიურად მიმდინარეობს.

მიმდინარე სამუშაოები მარტვილის მუნი-
ციპალიტეტის მერმა თორნიკე ჯანაშიამ და



მერის მოადგილემ გივი ელია-
ვამ დაათვალიერა.

არსებული ხიდები სტიქი-
ის დროს დაზიანდა და მასზე
გადაადგილება უსაფრთხო არ
იყო. რეაბილიტაციის შემდეგ
მასზე გადაადგილება უსაფ-
რთხო და კომფორტული იქნე-
ბა.

ხიდების მშენებლობა სტიქი-
ის სალიკვიდაციო სამუშაოე-
ბის ფარგლებში ხორციელდება
და სახელმწიფო ბიუჯეტიდან
1 655 597 ლარით ფინანსდება.



მარტვილის მუნიციპალიტეტი განხილავს სამუშაოები მიმდინარეობს


მარტვილის მუნიციპალიტეტში, თოვ-
ლის სახით მოსულმა უხვმა ნალექმა,
პრობლემები შექმნა. მუნიციპალიტეტში
მთელი ღამის განმავლობაში უხვი ნალე-
ქისგან განმეხდითი სამუშაოები მიმდინა-
რეობდა. გაინმინდა როგორც ცენტრალუ-
რი, ასევე ადგილობრივი მნიშვნელობის
საავტომობილო გზები.

განხილავს სამუშაოებში ჩართულია
მუნიციპალური სამსახურებისა და საავ-

ტომობილო გზების დეპარტამენტის ტექ-
ნიკა. მუნიციპალური სამსახურები საგან-
გებო რეჟიმში აგრძელებენ მუშაობას.

მერიაში შექმნილია ცხელი ხაზი, 24 სა-
ათის განმავლობაში შეგიძლიათ დარეკოთ
შემდეგ ტელეფონის ნომრებზე:

- ☎ 599 51 59 73
- ☎ 577 94 41 30
- ☎ 577 95 54 00
- ☎ 599 03 06 63



მარტვილში „სოფლის მხარდაჭერის პროგრამის“ ფარგლებში შეხვედრები დასრულდა

მარტვილის მუნიციპალიტეტში, „სოფლის მხარდაჭერის პროგრამის“ ფარგლებში დასაფინანსებელი პროექტების შერჩევის მიზნით, მოსახლეობასთან საკონსულტაციო შეხვედრები გაიმართა.

საერთო კრებებზე მოსახლეობის მიერ წარმოდგენილ საპროექტო წინადადებებს კენჭი ეყარა და ხმათა უმრავლესობით თითოეულ დასახლებაში პრიორიტეტები გამოვლინდა.

შეხვედრას ინჩხურის ადმინისტრაციულ

ერთეულში, სამეგრელო-ზემო სვანეთის სახელმწიფო რწმუნებული დავით ვერავა, მარტვილის მუნიციპალიტეტის მერი თორნიკე ჯანაშია და მერიის შესაბამისის სამსახურის თანამშრომლები დაესწრნენ.

2025 წელს მარტვილის მუნიციპალიტეტში, „სოფლის მხარდაჭერის პროგრამით“, საქართველოს რეგიონებში განსახორციელებელი პროექტების ფონდიდან 990 000 ლარი დაიხარჯება. პრიორიტეტების გამოსავლენად, ადგილობრივ მოსახლეო-

ბასთან საკონსულტაციო შეხვედრები 10 თებერვლიდან 14 თებერვლის ჩათვლით 20 ადმინისტრაციულ ერთეულში შემაჯავლ 74 სოფელში, 54 საერთო კრების სხდომა და 20 კონსულტაცია გაიმართა. მოსახლეობამ ხმათა უმრავლესობით თავად გადაწყვიტა, რას მოხმარდება თითოეული დასახლებისთვის გამოყოფილი თანხა, შერჩეული პროექტები კი დასამტკიცებლად მარტვილის მუნიციპალიტეტის საკრებულოს წარედგინება.



მადლოვის სკრიპონები



ექიმი ზურაბ წულაია

პატივცემულო რედაქციავ! მინდა თქვენი გაზეთის მეშვეობით მადლობა გადავუხადო ქუთაისის რეფერალური კლინიკის ექიმებს – ქირურგ ზურაბ წულაიას და ანესთეზიოლოგ დავით ჯანაშიას იმ განსაკუთრებული ყურადღებისა და მზრუნველობისათვის, რაც ჩემს მიმართ გამოიჩინეს. ორივეს, ბატონ ზურაბს და ბატონ დავითს საოცრად გულისხმიერ და ნიჭიერ ექიმად ახასიათებს ყველა, ვინც კი აღნიშნულ კლინიკაში მოხვედრილა. მე ძლიერ გართულებული სეფსისი მქონდა და ამ ადამიანებმა გადამარჩინეს. ბედნიერებაა, რომ ჩვენს სამედიცინო საზოგადოებას ასეთი პროფესიონალი ექიმები ჰყავს. კიდევ ერთხელ მადლობა მათ და მათთან მომუშავე ყველა ექიმს, ექთანს, დამხმარე პერსონალს, რომლებიც საუკეთესო არიან. მათი არსებობა პაციენტთა დიდი იმედია, რადგან ასეთ კლინიკას მართლა შეიძლება შენი ჯანმრთელობა ანდო.

ირმა ჯანაშია, მარტვილის მუნიციპალიტეტი, სოფელი თამაკონი

სისხლის გადასხმის აქცია

დღეს, მარტვილი მუნიციპალიტეტის მერიის საქტო დარბაზში სისხლის უანგარო დონაციის აქცია - „გაუზიარე სიცოცხლე, გაილე სისხლი“ - გაიმართა.

აქციაში მარტვილის მუნიციპალიტეტის მერიის და საკრებულოს საჯარო მოხელეები, სხვადასხვა უწყების თანამშრომლები და მოქალაქეები ჩაერთვნენ.

უანგარო დონორობის აქცია მარტვილის მუნიციპალიტეტის მერიის მხარდაჭერითა და ა(ა)იპ „სისხლის გადასხმის საქალაქო სადგურის“ ორგანიზებით გაიმართა.



მარტვილში საბავშვო ბაღების მშენებლობა მიმდინარეობს

მარტვილის მუნიციპალიტეტში, საქართველოს რეგიონული განვითარებისა და ინფრასტრუქტურის სამინისტროს მუნიციპალური განვითარების ფონდი, ბაღების მშენებლობის პროგრამას ახორციელებს.

ახალ საბავშვო ბაღებში მოეწყობა სათამაშო და სამინებელი ოთახები, საპირფარეოები და ეზოები. გათვალისწინებულია შიდა და გარე სივრცეების, რეკრე-

აციული ზონების, კომუნიკაციების და სველი წერტილების კეთილმოწყობა.

ბაღების მშენობა სრულად ადაპტირებული იქნება განსაკუთრებული საჭიროებების მქონე პირთათვის.



სამშენებლო სამუშაოების მიმდინარეობას სამეგრელო-ზემო სვანეთის სახელმწიფო რწმუნებული დავით ვერავა, მარტვილის მერთან თორნიკე ჯანაშიასთან ერთად სოფელ გაჭედილში გაეცნო. გაჭედილთან ერთად ახალი საბავშვო ბაღები გურამემის, სალხინოს და კიწიის ადმინისტრაციულ ერთეულებში მიმდინარეობს.

მარტვილის თოჯინების თეატრი

21 თებერვალს მარტვილის თოჯინების თეატრს წმ. ამბროსი ხელაიას სახელობის ზოგადსაგანმანათლებლო სკოლის აღსაზრდელები სტუმრობდნენ.

წარმოდგენილი იყო სპექტაკლი „სამი გოჭი“. რეჟისორია ლევან გაბრიჭიძე, სამხატვრო ხელმძღვანელი – გოჩა სხულუხია, თეატრის მმართველი – ზურაბ ჯამბურია.



პედაგოგთა თავისუფალი პროფკავშირი

პედაგოგთა თავისუფალი პროფკავშირის მარტვილის რაიონული ორგანიზაცია ონლაინტრენინგებს გეგმავს მიმდინარე წლის 9 მარტიდან საქართველოს პედაგოგთა და მეცნიერთა თავისუფალი პროფკავშირის მარტვილის რაიონული ორგანიზაცია პროფწვერების დასახმარებლად გეგმავს ონლაინტრენინგებს თემაზე – „ხელოვნური ინტელექტი-შესაძლებლობები და რისკები“ დარეგისტრირებულია 180-ზე მეტი მასწავლებელი. მუშაობა წარმართება „teams“-ის პლატფორმით. იმუშავენ რამდენიმე ჯგუფი 25-30 წთ ხანგრძლივობით. ტრენინგებს გაუძღვება ანდრია პირველწოდებულის სახელობის უნივერსიტეტის პროფესორი, ექსპერტი დავით ლიპარტელიანი. ტრენინგების ხარჯებს სრულად აფინანსებს საქართველოს პედაგოგთა და მეცნიერთა თავისუფალი პროფკავშირის მარტვილის რაიონული ორგანიზაცია.

სახელმწიფო რწმუნებულმა ზედა ხუნწი სკოლის საშუაოეი დაათვალიერა

მარტვილის მუნიციპალიტეტში, სოფელ ზედა ხუნწი საჯარო სკოლის სამშენებლო სამუშაოების მიმდინარეობას სამეგრელო-ზემო სვანეთის სახელმწიფო რწმუნებული დავით ვერავა და მარტვილის მუნიციპალიტეტის მერთი თორნიკე ჯანაშია გაეცნო.

პროექტის ფარგლებში ახალი, თანამედროვე სტანდარტების შესაბამისი სკოლა შენდება. პროექტი ითვალისწინებს საკლასო ოთახების, ლაბორატორიის, ბიბლიოთეკის, სამასწავლებლოს, ექიმის

კაბინეტის, რეკრეაციული სივრცის და ლობის მოწყობას. შენობა ადაპტირებული იქნება შეზღუდული შესაძლებლობის მქონე პირებისთვის.

საჯარო სკოლის პროექტირება/მშენებლობის სამუშაოების ბიუჯეტი 1 192 079 ლარს შეადგენს.

პროექტი სსიპ საგანმანათლებლო და სამეცნიერო ინფრასტრუქტურის განვითარების სააგენტოს დაკვეთით ხორციელდება.



უწყინარი რეპლიკები

ქართული ჰომეისი ინციკლოპედიის გამო

ახლახან ვნახე ამ რამდენიმე წლის წინათ საქართველოს ეროვნული ბიბლიოთეკის მიერ გამოცემული ქართული პოეზიის ენციკლოპედია – ქართველი პოეტები, სადაც სხვა ავტორებთან ერთად შესულია ჩემი მოკლე ბიოგრაფიული ცნობები, ფოტო და პერსონალი შელის ერთი ლექსის ჩემი თარგმანი, რისთვისაც შემდეგნაირად და გამოცემის მისამართით მადლობის მეტი არაფერი მეთქმის. მაგრამ, სამწუხაროდ, აქვე უნდა აღვნიშნო ისიც, რომ ამ ლექსის რამდენიმე სტრიქონი წიგნში შეცდომითაა დაბეჭდილი თუ შეგნებულად გადაკეთებული.

პერსონალი შელის ამ ლექსის თარგმანი რამდენჯერმე მაქვს გამოქვეყნებული პრესაში და ის ყველგან ასე იკითხება:

საღამო მშვიდობისა?
ეს როგორ იქნება?
უშენოდ სიმშვიდეს მომიტანს რამე?
ნუ წახვალ, აქ დარჩი,
სხვა არცრა მჭირდება
და მაშინ მექნება მშვიდობის ღამე.
ჩემთვის უშენობა დარდია ტიალი,
სხვა ვინ დამიამებს ამ მწუხრის წამებს,
სჯობს დავტკბეთ ამაღამ
ჩვენ ტრფობის სიამით
და მაშინ გვექნება მშვიდობის ღამე.
გულეები მარადღამს -
ღამით და დილითაც
სულ ერთმანეთისკენ
ილტვიან მინდობით,
აქვთ ღამე ყოველთვის
საკმაოდ მშვიდი და
არასდროს ეტყვიან ერთმანეთს:
„მშვიდობით“.

და ასე უნდა იყოს ეს ლექსი წარმოდგენილი ზემოაღნიშნულ ენციკლოპედიაში. მიუხედავად ამ მცირე შენიშვნისა, აქვე აღვნიშნავ იმასაც, რომ საქართველოს

პარლამენტის ეროვნული ბიბლიოთეკის მიერ გამოცემული ქართული პოეზიის ენციკლოპედია მართლაც რომ დიდებული საჩუქარია არა მარტო მასში შესული ავტორებისთვის, არამედ პოეზიის მოყვარული ყველა მკითხველისთვის.

ჩემი ჭიჭე სამარგალო


ამას წინათ მარტივიდან ქუთაისში ავტობუსით მივდიოდი. მძლოლი მაგნიტოფონს ამღერებდა. მეგრული ჰანგები ჰქონდა ჩანერილი. მათ შორის „ჩემი ჭიჭე სამარგალო“. არ ვიცი, რომელი გუნდი ასრულებდა, მაგრამ ტექსტს ცოტა დამახინჯებულად მღეროდნენ. რაკი ეს სიმღერა – „ჩემი ჭიჭე სამარგალო“ – ჩემ ლექსზეა შექმნილი (რაც ბევრმა არც კი იცის), მინდა ყველამ, ვინც მას მღერის, კიდევ ერთხელ ყურადღებით წაიკითხოს ეს სტრიქონები:

ირ ქიანა გიჟორდასუ,
მარა რშუდას სი მიქ რდუნი,
ვეშგოჭყორდას დიდა ნანას
მუ წინაშა გიბირდუნი.
საქორთუომ არაა კუთხუს
საოროფოთ გუნჯი გური,
მარა ვეშეჭყოლიდუა
სქანი წინა მარგალური.
ფჩირთუქუდა მახატიით
დო ქოფთუქუანქ მართალს გვალო:
მა არაშა ქომისხუნუ
ჩემი ჭიჭე სამარგალო.

ეს ლექსი, რომელზეც მშვენიერი მუსიკაა შექმნილი, ჩემი მშობლიური კუთხისა და ენის სიყვარულმა დამანერინა, ამიტომ განსაკუთრებით მიყვარს იგი და არ მინდა მას ვინმე უდიერად მოეყვარას, თორემ სხვაგვარი ყველა იმ მომღერლის მიმართ (ვინც მას მღერის), რასაკვირველია, მადლობის მეტი არაფერი მეთქმის.

ფაუსტ ნაღარია

ილია კუსალაშვილი



მაგრამ მიიხარ, სადაა,
ის, რაც აღერსადაა.

გალაკტიონი

ახლა აქ ვსახლობ,
ცივ წაწხურის ვისრუტავ ნაორთქლს,
მესმის გაბმული ხმაური და
მაჯას ვისველებ,
ვესაუბრები რიყის ქვებს და
სევდასთან ვდაობ,
ვზივარ მარტოკა, მარტოსული
მარტოს ვისხენებ.

ლურჯია წყალი,
ჩაიღვარა თითქოს ცა წყალში,
დაციმციმებენ კალმახები
ვარსკვლავებით,
ტირიფის ტოტებს ზოგჯერ
ქარის სიანცე აშლის,
გრძელთმიანები ჩურჩულებენ
ნაზი დებოვით.

მიყვარს ოცნება.
აქ სიცხადე ოცნებებს ზადებს,
ქვიარაფერი ვერ დაგფორთხობს
ძვირფას ჩვენებას,
აქ ვერ მოგიმწყვედეს
მოავეთა მსახვრალი ზადე,

ვერც მიწიერი განდიდება და შერვენება.
აქ სამოთხეა.

ვეფრება იფანი იფანს,
„ლოდი ლოდს ეტრფის, იმ ერთსა და
მისთვის გაჩენილს“,
აქ სამოთხეა,
აქ ოცნებით დათრობა მიყვარს,
მაგრამ... ზოდვია, მირაჟია,
აქ ვერ დავრჩები...

(ლ-ს)

ვერც ნუგეში გიპოვია,
ვერც ცრემლები შეგიშრია,
ვაი, თურმე ვინ გვყოლიხარ,
მაგრამ ჩვენ ვერ შეგვიშენია.

სიტყვით ისე გულფაქიზობ,
ცრემლი შენი ცრემლებს მადენს,
სულს სითბოთი ნულარ მიცეპ,
თორემ ღამის შემეყვარდე.

სანამ უნდა ვიუარო,
დრო გამიბრბის რაშით მარდით,
ისე „მეგულმერთები“, რომ,
მგონი უკვე შემეყვარდი!

ნათი ისტორიული გზა-გადასასვლელის შესახებ

(„ყაიში“)

მარტვილის მუნიციპალიტეტის სოფელ ნახუნუდან, სიგუების გვართა დასახლებიდან (ესიგუე) თარგამულ-თამაკონის მიმართულებით გადადის გზა, რაც ამ სოფლების მოსახლეობისთვის ყალიშის/ყაიშის სახელწოდებით არის ცნობილი. ყალიში უღელტეხილი და მინდორია წყვიასა და ნახურაულს შორის შუა. წყვია ეწოდება აბაშა-ტეხურის წყალგამყოფ მთას ტეხურის მარცხენა შენაკადის – ტუტალის სათავესთან (თამაკონი), ხოლო ნახურაულ/გარდეთში დობრადუდი/ჯინაშდუდი მწვერვალია ბუერის მთაზე, ნახუნუ-თარგამულის საზღვარზე.

სიტყვა „ყალიში“ ფიგურირებს სხვა ტოპონიმებ-



ნახუნუს ციხესიმაგრის გალავანი

შიც. მაგალითად, ვაკე-საბალახოს ბუერის მთისკლათაზე, ყალიშქვემოთ, სოფელ თამაკონში, ყალიშიშ რზენი „ყალიშის ვაკე“ ეწოდება, ხოლო ფერდობს ბუერის კალთაზე – ყალიშიშ ფერდი. ბუიშიდან ტუტალის ჩამავალი ხევი ყაიშიშ რობუს სახელით არის ცნობილი.

ტოპონიმი „ყაიში“ დაუზღუდელი ლოკალიზაციის გარეშე მითითებული გვიც ელიავას მიერ შედგენილ თამაკონისა და ნახუნაოს „სასოფლო საბჭოების“ ტოპონიმთა ნუსხაში (იხ. გ. ელიავა, სამეგრელო, ტოპონიმური ატლასი, თბ., 2022, გვ. 69, 83).

სახელწოდება ყაიში სამეგრელოს ტოპონიმიაში ბევრგან არის დამოწმებული. მაგალითად: 1. მინდორის სახელწოდებად გიშაბორხილთან, პატარა ინჩხურში; 2. დაბალი სერის სახელწოდებად სოფ. ლეცავეში, აფხაზურესა და ოდეკუმს შუა, ერთგან არსებულ ჩადაბლებაზე გადადის გზა სოფ. პირველ ბაღდაში; 3. ჩავაკე-ჭყეჭყობის სახელწოდებად

ქუაჩაშურსა და ნაბართოს შუა, ინჩხის მარჯვენა ნაპირზე, სოფ. დიდ ინჩხურში, სადაც, ქუაჩაშურთან ჩამოდის ვინრო გზა-გასასვლელი; ცალიში – ვაკე-სახნავის სახელწოდებად სოფ. პირველ გურქეში, ნახურცილავოს საზღვართან; ყალიში – ფერდობის სახელწოდებად სოფ. ნახურცილავოში, მამანთარში ოხვამეს აღმოსავლეთ კალთაზე (იხ. პ. ცხადაია, სამეგრელოს გეოგრაფიული სახელწოდებანი. VI, მარტვილის რაიონი. ჩრდილოეთი ნაწილი. თბ., 2012, გვ. 610); გზის მონაკვეთის სახელწოდებად ეგვიმ ნოლის ნაპირზე, ბუიშიმდე; სახნავის სახელწოდებად გიშაბორხის გზასთან, სოფ. ქვაიში (იხ. ი. კეკელია, მარტვილის ტოპონიმია, თბ., 2009, გვ. 123).

ინტერესს იწვევს ის გარემოება, რომ გზა, რაც ყალიშზე გადადის და თამაკონ-ნახუნუს ერთმანეთთან აკავშირებს, ტოპონიმიაში ყალიშიშ შარას „ყალიშის გზის“ სახელითაა ცნობილი. გამოთქმულია მოსაზრება, რომ ტოპონიმის ამოსავალია მეგრ. ცალი (ბანაშურ-მარტვილურ თქმაში: ყაი), რაც ქართ. „ყელის“, „კისრის“ შესატყვისია. მეტაფორული ნომენი ცალი და მისგან ნაწარმოები ყაიში/ყალიში „ყელის“ აღნიშნავს უღელტეხილს, გზა-გადასასვლელს ქედზე, სერზე, მთაზე, ბორცვზე (იხ. პ. ცხადაია, დასახ. ნაშრომი, გვ. 610, 611).

მეგრული ენის სალექსიკონო მასალებში ყალი სიტყვის ერთ-ერთ მნიშვნელობად მითითებულია „ყელი, ვინრო გადასასვლელი (მთისა)“. ყალიში განმარტებულია როგორც „უღელტეხილი, გზა უღელტეხილზე; ყელისა, საყელი“, ხოლო ყალიჩე როგორც „მთის ყელი“ (ა. ქობალია, მეგრული ლექსიკონი, თბ., 2010, გვ. 649). ლექსიკონში ასევე გვხვდება განმარტება სიტყვისა: ყალიბორი „უღელტეხილი“, ყალი „ყელი (მდინარისა, ქედისა, რკინიგზისა), უღელტეხილი, გადასასვლელი ქედზე; ყალიშ ბორი „უღელტეხილი“ (იქვე, გვ. 652). სამეგრელოს ტოპონიმიაში ასეთივე მნიშვნელობით გამოიყენება გიშაბორხილი „გამოხერხილი, ჩახურხილი; ტყემი გაჭრილი (გზა); გზა მალლობში, უღელტეხილი“ (იქვე, გვ. 183), გიშორხილი „გახურხილი“, გედირაკალი „ჩადრეკილი, დადრეკილი; ყელი მთისა, გადასასვლელი“, გოდირაკალი „გადრეკილი, გაღუნული, ჩანეკილი“ (იქვე, გვ. 85, 189), გოტობირი „ამოტეხილი“, გომირილი, გომირილი „გაცვეთილი“ და უნანგერა „უნანგირით ჩანეკილი (მთა)“ (მსჯელობისათვის იხ. ი. კეკელია, გზები და უღელტეხილები მარტვილის რაიონის ტყისა და საძოვრების ზონაში. კრ. „არსენ ოქროჯანაშვილი – 80“, ქუთ., 2010, გვ. 96). მიჩნეულია, რომ უნანგერა იწოდებოდა აბაშისა და ტეხურის წყალგამყოფი ქედი, რაც

რამდენიმე მთის – დაღამ ტახტას (სოფ. ზედა სორტაში), ნაქალაქევის, აბუდათისა და კალამონის (სოფ. ნაესუ-ინჩხურში) კრებსით სახელადაა აღიარებული. ეს მთები ერთმანეთისაგან მართლაც უნაგირისებური დადაბლებებითაა გამოყოფილი.

პირველი წერილობითი წყარო, სადაც უნანგირას მთაა მოხსენიებული, არის ვახუშტი ბატონიშვილის ნაშრომი. ისტორიკოსი აღნიშნავს: „...ტეხურის დასავლის კიდურსა რიონიდან წარმოსდევს მცირე მთა კაკასამდე, ტყიანი და ნადირიანი. ამას უწოდებენ უნანგირას. ამ მთას მზღვრიდენ ოდესმე იმერთა და ოდიშთა საზღვრად. და არს ჭყონდიდამ უნანგირამდე მთის ძირი სალიპარტიანო“ (ვახუშტი, აღწერა სამეფოსა საქართველოსა, „ქართლის ცხოვრება“, ტ. IV, თბ., 1973, გვ. 777). ამასთანავე, ვახუშტი იცის, რომ „ტეხურისა და აბაშის შესართავს ზეთი, უნანგირას მთის ძირზედ და ტეხურის დასავლის კიდვზედ, არს შხეთს ციხე და სასახლე დადიანისა“ (იქვე, გვ. 777). სწორედ ისტორიული წერილობითი წყაროებში კარგად ცნობილ უნანგირას ქედზე გადადის ის ისტორიული გზა, რაზეც წინამდებარე პუბლიკაციაში ვამახვილებთ ყურადღებას.

გივი ელიავას ნაშრომში ნახუნუდან თარგამულ-თამაკონსკენ მიმავალი აღნიშნული გზის სახელწოდებად მითითებულია მექაქეში შარა „მექალაქის გზა“, რასაც ახლავს რუსპოდენტის შემდეგი განმარტება: „თამაკონიდან და ტეხურის იქითა სოფლებიდან ამ გზით გადმოდიდნენ ბაზარში მიმავალი გლეხები. მაშინ ბაზარზე მარტვილი იმართებოდა“ (ე. ელიავა, დასახ. ნაშრომი, გვ. 83).

საგულისხმოა ის ფაქტიც, რომ სოფ. ნახუნუში გზათა და საგზაო ნაგებობათა სახელწოდებებზე დაბინძურებულია განაჭკირა „გაჭრალი“ (რესპ.: „გზის გასაყვანად გაჭრილი ბორცვი“), კორიში გიმნაჩამეფიში შარა „კაცის გამყიდველთა გზა“



ნახუნუ-თამაკონის ისტორიული გზა-გადასასვლელის სქემატური რუკა



ყაიშის გზა-გადასასვლელი

(რესპ.: „ამ გზით დადიდნენ ყაჩაღები და მოტაცებული ბავშვები და მოზრდილები მიჰყავდათ ზღვისპირეთისაკენ“), ოკატუეში „საკატე“, კუტაიერი „მოკლე ასასვლელი გზა“ და საყარაული (რესპ.: „ადგილი, სადაც ტყვეთა მტაცებლებისაგან თავის დასაცავად სოფელს მორიგეობით ეყენა ყოველამე ყარაული“) (იქვე, გვ. 83). დავაზუსტოთ: საყარაული „სადარაჯო, საყარაული, სათვალთვალო“ ეწოდება ადგილს მექალაქეში შარაზე, სანტილეს მარჯვენა მხარეს, ფაქეაშის სამხრეთით (იხ. ე. ელიავას მიერ 1961 წელს შედგენილი „სოფ. ნახუნაოს ტოპონიმური რუკა“, ნიგნში: გ. ელიავა, სამეგრელო, ტოპონიმური ატლასი, გვ. 84).

უნანგირას ქედის სამხრეთ ფერდობს ქამარივით შემოვლებული გზა-გადასასვლელი კარგად მოჩანს მარტვილის მუნიციპალიტეტის ბანძის ზონის სოფლებიდან (ბანძა, ნოჯიხენი, ნაგვანუე, ნახარბუე) და მუნიციპალიტეტის ცენტრიდან – ქალაქ მარტვილიდან.

ამ ძველისძველი გზით ოდითგანვე ერთმანეთს უკავშირდებოდა აბაშისა და ტეხურის ხეობების მოსახლეობა, რასაც მონიშნავს ნახუნუსა და თარგამულ-თამაკონს ტერიტორიაზე შუა საუკუნეების თავდაცვით ნაგებობათა – ციხე-სიმაგრეების, აგრეთვე საკულტო ნაგებობების (ეკლესიები) არსებობაც. ზოგიერთი მათგანის შესახებ მცირე ინფორმაციას აქვე წარმოვადგენ.

(გაგრძელება იქნება)
იშორ კეკელია, ფოთის №15 საჯარო სკოლის ნამყვანი პედაგოგი, ისტორიის დოქტორი
თამარ კუბანია, სენაკის მუნიციპალიტეტის მერიის ტერიტორიის მიმართულების სპეციალისტი
ქალაქი ბაღდათში, თსუ დოქტორანტი

რეპაზ დანელია 75

75 წლისა შესრულდა თვალსაჩინო ქართველი მწერალი რეპაზ ილიას ძე დანელია. ამის გამო საქართველოს მწერალთა კავშირმა იუბილარს მისალმება გაუგზავნა. მისალმებაში ნათქვამია:

ბატონო რეპაზ!
ჩვენო ძვირფასო თანამოსწავლე!
საქართველოს მწერალთა კავშირი, თქვენი მეგობარი ქართველი მწერლები გულმხურვალედ მოგესალმებიან თანამედროვე ქართული პოეზიის ერთ-ერთ კოლორიტულ წარმომადგენელს და გილოცავენ დაბადების 75 წლისთავს. თითქმის ექვსი ათეული წელი გავიდა მას შემდეგ, რაც ქართული მწერლობაში შემოაბიჯეთ. 1967 წელს გაზეთ „შრომის დროშაში“ გამოქვეყნდა თქვენი პირველი ლექსები, რომლებმაც იმთავითვე მიიქცია სალიტერატურო წრეების ყურადღება ორიგინალური აზროვნებით, საგნებისა და მოვლენების არსში წდომის უნარით, დამაჯერებლობით, ყოველივე იმით, რასაც მწერლური ნიჭიერება ჰქვია. ქართველი მკითხველი მუდამ დიდი ინტერესით ხვდებოდა და ხვდება თქვენს ისეთ პოეტურ კრებულებს, როგორცაა „ფიცი“, „მზის წვიმა“, „ფიქრის სახლი“, „ზღვის მინდორი“, „დაფიონი“, „ფრთხის კოცონი“, „სულის სისხლი“, „შარავანდები“... ამ კრებულების ლირიკული გმირი სულმძრული შეპყრებას საოცარ მისტიციას – თუ როგორ ინერება თოვლისფერ ეტრატზე მისი საესავი ქვეყნის მატთან, ქრისტესავით ჯვარცმული სამშობლოს ვაე-

ბითა და კენესით სავსე ისტორია, სამშობლოსი, მზის ქანდაკებასავით რომ დგას ეულად და სასწაულებრივად იგერიებს გარე თუ შინა მტრების შეტევებს, მის იავარქმნასა თუ დაცემას რომ ლამობენ, ველური გავშვებით რომ უტყვენ იმ ივავიუნვდომელ ტრადიციებსა თუ სინმინდებს, დღევანდლამდე რომ მოიყვანა ივერთა მინა. ხვდება, სხეულით ხვდება, რომ საქართველო მზე და მთვარეა და ცვარში ჩატეული სიხარულიც ყოფნის რწმენად და იმედად. სიხარულს კი თუნდაც ის ანიჭებს, როცა შეპყრებას, თუ როგორ ათოვს იების ფანტელები მზის სურნელით გადამთვრალ ველებს. მზერა რატომღაც ევინანტისკენ მიუმართავს, კელაპტარივით ტანთებულ კლეოპატრასკენ და ნებსით თუ უნებლიედ იმ საწყისებს ეფერება თუ ელოლიავება, საიდანაც დაიწყო ქართული სისხლის ამაყი და ქედუხრელი დინება... ციური სამანების მოხილვის შემდეგ ერთ სამწუხარო დასკვნამდე მიდის, იმ დასკვნამდე, რომ ჩვენ, ყველანი, მაინც ვალიის ჩიტებს ვგავართ, რადგანაც ჩვენთვის ხილული ცის მიღმა კიდევ მორიადი ცაა.

თქვენს პოეზიას, ტყაშმაფებით და ოჩოკოჩებით დასახლებულ პოეზიას სულ სხვა რეალობაში გადავყავართ, იქ, სადაც საოცარი ჰარმონია გამეფებულა, სადაც ყაყაოების მზეში ღვინისფერი სიზმრები ნანაობს, ცისარტყელებს კი ქამანდევით ისვრიან მოუხელთებელი სისხლისფერი ბედაურების მოსათვინიერებლად. კალმახივით დანინწკლული სხივები სხმარტალებს სულში და გაიძულებს საამბოროდ მიეახლო ცვარს – ანგელოზთა ცრემლებს. მხოლოდ თქვენს ზმანებებში შეიძლება ვიხილოთ სულისშემძვრელი საოცრება – როგორ დანაფებია მზე ბროლის წყაროს...
თქვენი საყმაწვილო კრებულები („ქართველი“, „მზის შვილები“) შეიყვარეს ქართველმა ბავშვებმა.
ძალზე საყურადღებო და მნიშვნელოვანი ლიტერატურულ-კრიტიკული წერილები მიუძღვნით გიორგი შატერაშვილის, ჭოლა ლომთათიძის, გურამ რჩულიშვილის, შალვა კარმელის, შოთა ჩანტლადის, იოსებ ნონეშვილის, ნოდარ დუმბაძისა და სხვათა შემოქმედებას.
სხვადასხვა დროს მუშაობდით პედაგოგად მარტვილსა და თბილისში, საქართველოს მწერალთა კავშირის შემოქმედებითი სექციების პასუხისმგებელ მდივნად, გაზეთ „სიტყვა ქართულის“ რედაქტორის მოადგილედ, ქართველ მწერალთა დამოუკიდებელი კავშირის



მდივნად... დამფუძნებელი და დირექტორი ბრძანდებით გამომცემლობა „ხელოვანისა“ და ქართველ მკითხველს პირველხარისხოვან, გაუხუნარ ლიტერატურას სთავაზობთ. თქვენი ღვაწლი სათანადოდ დაფასდა. მონიჭებული გაქვთ ქართული პოეზიის მშვენიერების – გიორგი ლეონიძის სახელობის პრემია, ქართული კულტურის ამავადარის საპატიო ნოდება.
ბატონო რეპაზ!
კიდევ ერთხელ გულითადად გილოცავთ საიუბილეო თარიღს ძმასა და მეგობარს, ჩინებულ შემოქმედსა და მოქალაქეს. გისურვებთ დიდხანს სიცოცხლეს, ჯანმრთელობას და შემოქმედებით გამარჯვებებს.

სასწაული

ცა ინაბება, უნაბები ცისფრად ღუიან, აქ, უფლის ცამიც, შენ გულს ბევრჯერ ულულუნია. რქებს ზე მოჰყვება, საკუთარ რქებს ჩუმად ღვინია? მზის ეს სოფელი (ცაში ღვინია!) სულაც ღვინია! შენც მიდი, შესვი ეს ცა, მზეც კი – გულზე ისხურე, შენი სულია ის მეგუთენც და ის, ის ხუროც! ირმისფერია, ირემია სულაც ეს ყანა!
კაცმა ბავშვივით დედამინა ხელთ აიყვანა. რა სასწაულად, რა ღამაზად, შოი, რა თბილად! ცა ინაბება... ან მზისფერი ეს უნაბები ცაში არიან, აგერ აქვე, სად არ არიან! თაფლა მინდორიც ჩუმად ცისკენ მიინაბება? ეს შენი სული – საქართველო – მთლად სიზმარია!

ცის ტაძარი (ვედრება)

თუთარჩელას ვავედრებდი შენს თავს, ილორს ვიყავ, ჩოქვით აველ მარტვილს, ო, ეს ღამე ღვინისფერი შეთერა? ღამის	სული	ცაში	ალიმართოს!
ციის ტაძარში ლოცვად ისევ შევალ, თბილ აჩრდილებს დაეუდგები გვერდით, როს შანდალით ცრემლი ამოშრება	სული	ცაში	ალიმართოს!

შენი სახელის, მინავ, ჭირიმი

ნახირი მოძოვს ზეცაში ღრუბელს მზის წვიმა ფერებს გადაინაბებს, ამოვესებათ სიცილით უბე ალუბლებს, ნუმებს, შინდებს, უნაბებს.
შენი სახელის, მინავ, ჭირიმი, მუხლზე გეხვევი, ყელზე გეხვევი, მე მომკლეს გუშინ როგორც ირემი, ცაში ავედი ჩემივ ფეხებით.
მე ახლაც ცად ვარ და ვეფერები ალუბლებს, ნუმებს, შინდებს, უნაბებს... ჩემივ მოკლული ბედნიერებით მერე ნავალ და არც რას ვინანებ!..
ნახირი მოძოვს ზეცაში ღრუბელს...

2025 წლის მნიშვნელოვანი სიახლეები

სასიამოვნო სიახლე პენსიონერებისთვის

ახალი წლის ყველაზე მნიშვნელოვანი სიახლეა ასაკობრივი პენსიონერებისთვის პენსიების გაზრდა. 1 იანვრიდან 70 წელს ზემოთ პირთათვის პენსია შეადგენს 450 ლარს, აღნიშნული ასაკობრივი კატეგორიის მაღალმთიან დასახლებებში მცხოვრები პენსიონერებისთვის 540 ლარს. 70 წლამდე პირთა პენსია 350 ლარი იქნება, მაღალმთიან დასახლებებში მცხოვრები პირებისთვის კი – 420 ლარი.



ახალი წესები ავტომობილებისთვის

2025 წლის 1 იანვრიდან საქართველოში აკრძალულია 2014 წლამდე წარმოებული სატვირთო მანქანებისა და ავტობუსების რეგისტრაცია და იმპორტი. შეზღუდვა დანესდა საქართველოს ევრო-5 სტანდარტზე გადასვლასთან დაკავშირებით. ევრო-5 არის ეკოლოგიური სტანდარტი, რომელიც ავტომობილის გამონაბოლქვის აირებში მავნე ნივთიერებების შემცველობას არეგულირებს.



ჯაკში განვივა ახალი წესი

1 იანვრიდან სამხედრო სავალდებულო სამსახურში განვევის ახალი წესი ამოქმედდა. ამ წესების მიხედვით, განვივა განხორციელდება მხოლოდ სამხედრო სამსახურში, რომელსაც ერქმე-

ვა „წვევამდელთა ეროვნული სამხედრო სამსახური“.

წვევამდელთათვის სამხედრო სამსახურის ვადა ექვსი თვიდან 11 თვემდე იქნება – წვევამდელთა სამსახური იქნება ანაზღაურებადი, ასევე იქნება გათვალისწინებული შევებულებები და დასვენების დღეები.

განვივა განხორციელდება წვევამდელთა სიიდან შემთხვევითი შერჩევის პრინციპით – ასაკი 18-დან 27 წლამდე. სტუდენტებს საშუალება ექნებათ აირჩიონ მათთვის შესაფერისი ვარიანტი – ჯარში სამსახური წელიწადში ერთხელ ერთი თვის განმავლობაში, ან სწავლის პერიოდში ინტენსიური კურსი ოფიცრის ნოდების მისაღებად.



ორი მნიშვნელოვანი პროექტი განხორციელდა

საქართველოში გადამწყვიტეს გაახანგრძლივონ ორი მნიშვნელოვანი პროექტი, რომელიც ქვეყნის მოსახლეობას ცხოვრებას გაუადვილებს. 2026 წლის 1 იანვრამდე გაგრძელდება მინის სისტემური რეგისტრაციის რეფორმა, რაც საქართველოს მოქალაქეებს შესაძლებლობას მისცემს მოავგარონ მინის ნაკვეთების საკუთრებასთან დაკავშირებული პრობლემები.



ასევე, 2027 წლის 1 იანვრამდე გაახანგრძლივდა საქართველოს მოქალაქეობის აღდგენისა და მისი შენარჩუნების შესახებ განცხადებების შეტანის ვადა.

საუბარია საქართველოს მოქალაქეებზე, ვისაც 2018 წლის 15 აგვისტომდე არ დაუკარგავს საქართველოს მოქალაქეობა სხვა ქვეყნის მოქალაქეობის მიღების მიზეზით და რომლებმაც მოქალაქეობა დაკარგეს სხვა ქვეყნის მოქალაქეობის მიღების გამო.

სიახლეები მწველებებისთვის

1 იანვრიდან ძალაში შევიდა ცვლილებები, რომელიც ითვალისწინებს თამბაქოს თითქმის ყველა პროდუქტზე აქციზის გაზრდას.

აქციზის გადასახადი საშუალოდ 0,1-0,2 ლარით გაიზარდა, ხოლო სიგარეტის ღირებულებამ წინასახალწლო პერიოდში საშუალოდ 0,3-0,5 ლარით მოიმატა. საქართველოში ერთი კოლოფი სიგარეტის ღირებულება 5,8 – 6 ლარიდან იწყება.

